



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 105. Ladislaus puer adhuc quinquennis Rex Hungariæ proclamatus

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

etiam, tot produnt indicia, ut merito ejus fides in dubium vocari queat, præcipue, cum omnes Historici alto silentio oblatas hæc Sultani nuptias prætereant, & unanimi voce testentur, quod Christophorus Daniæ Rex anno millesimo quadringentesimo quadragesimo quinto uxorem duxerit Dorotheam Marchionis Brandenburgensis Filiam.

Sæcul. XV.
A. C. 1444.

§. CV.

Ladislaus, puer adhuc quinquennis Rex Hungariæ proclamatus.

Rege Ladislao in Varnensi clade extincto, orta est magna dissensio in Hungariæ, & Poloniæ Regnis, propter successoris electionem. Ac primo quidem Hungari, qui nuper Ladislaum puerum Alberti, & Elisabethæ Filium post Parentis sui obitum repudiaverant, nunc cum in eis pristinus erga postremum Regem suum affectus resuscitaretur, & aliunde plurium ad hanc coronam adspirantium ambitionem refrænari vellent, juvenem hunc Principem ad regnum revocarunt, qui, quamvis necdum quintum ætatis suæ annum emensus fuisset, tamen maximæ spei, & optimi Regis indicia præseferbat. Cum vero imbecillitate præpeditus, solus tanto regno administrando impar esset, nec populum, a

Thuvos. cap.

44. Et 45.

Bonfin.

3. Dec. 7.

Dubrav.

l. 28.

Sæcul. XV. quo electus fuerat, matura fatis prudentia regere posset, delectus est in Regni A.C. 1444. Gubernatorem Joannes Huniades, nominis sui fama longe celeberrimus. Ergo Hungari ad Fridericum Imperatorem Regis sui Patruelem, in cujus aula Ladislaus educabatur, præcipuos Regni Proceres ablegant, qui ab eo impetrarent, ut novus eorum Rex subditos præsentia sua honorare, ac cum illis in ipso Regno suo morari vellet. Verum Hungari hanc gratiam a Cæsare nec precibus, nec minis, imo nequidem armis, quæ Huniades contra ipsum eo ex capite movit, obtinere poterant; Friderico enim persuasum erat, Nepotis sui salutem nunquam satis consultum iri in gente, cujus indoles nimium inconstans & rara inter se animorum consensio esset.

§. CVI.

Poloni pro Regis electione congregati.

Michov. l. 4. n. 58.
Crom. l. 22. Poloni, cum falsis rumoribus seducti, Regem suum adhuc vivere, captumque in quadam urbe detineri crederent, in Thraciam, & Bulgariam Nuntios ablegarunt, qui de Regis sui fato certiora referrent. Attamen cum omnes exploratores tristem Ladislai obitum denuntiarent, Poloni Hungarorum exemplum secuti,